



Bosna i Hercegovina
Federacija Bosne i Hercegovine
Kanton Sarajevo
OPĆINA VOGOŠĆA
UDRUŽENJE PČELARA KOŠNICA VOGOŠĆA
Omladinska 46, Vogošća, Mob: +38761357561; mail: upkosnica@gmail.com

Broj: 01-07-00/21
Vogošća, 06.07.2021. godine

Na osnovu Ugovora između Općine Vogošća i Udruženja pčelara Košnica, broj 03-36-1635/20 od 28.05.2021.godine, a u okviru projekta "Dodjela rojeva i pčelarske opreme za nove pčelare" Udruženje pčelara Košnica objavljuje

JAVNI POZIV

za podnošenje zahtjeva za dodjelu pčelinjih društava sa pčelarskom opremom

Udruženje pčelara Košnica objavljuje Javni poziv za dodjelu 75 košnica sa pčelama i dodatnom pčelarskom opremom za 15 korisnika sa područja općine Vogošća. Projekat finansiraju Općina Vogošća i korisnik sa vlastitim učešćem u iznosu od 160,00 KM. Svakom korisniku dodjeljuje se 5 pčelinjih društava sa cjelokupnom opremom za bavljenje pčelarstvom (komplet košnica sa ramovima i satnom osnovom, pčelarska bluza, rukavice, pčelarski nož i dimilica).

I- PRAVO UČEŠĆA

Pravo na učešće u Projektu imaju zainteresovani građani (fizička lica) sa područja općine Vogošća, koje posjeduju zemljište i parcele za smještaj pčelinjaka na području općine Vogošća. Prednost imaju prioritetne kategorije stanovništva – nezaposlene osobe ili osobe sa minimalnim primanjima sa područja općine Vogošća.

Pravo na dodjelu pčelinjih društava i opreme nemaju lica koja su dobila ovakvu ili sličnu donaciju od Općine u posljednjih 5 godina. Pravo učešća nemaju lica koja u svom vlasništvu ili u vlasništvu članova domaćinstva imaju više od 5 košnica pčela.

Pravo učešća nemaju zaposlenici i članovi uže porodice zaposlenika Općine Vogošća i rukovodstva Udruženja Košnica (članovi Upravnog odbora i Predsjedništva Udruženja)

II USLOVI ZA DODJELU ROJEVA I PČELARSKE OPREME

Podnosilac zahtjeva treba da ispunjava slijedeće uslove:

1. da je nezaposlena osoba ili osoba sa minimalnim primanjima sa prebivalištem na području općine Vogošća,

2. da je upisan u Registar poljoprivrednih gazdinstava i klijenata u Općini Vogošća i da je izvršio ažuriranje podataka za 2021. godinu ili će pokrenuti postupak upisa, a što će potvrditi ovjerenom izjavom da će se upisati u Registar poljoprivrednih gazdinstava i klijenata prije dodjele rojeva i pčelarske opreme,
3. da je podnosilac zahtjeva ili član uže porodice vlasnik ili posjednik poljoprivrednog zemljišta /parcele pogodne za smještaj stacionarnog pčelinjaka,
4. da u trenutku predaje zahtjeva za učešće u ovom pozivu nema više od 5 pčelinjih zajednica u svom posjedu ili posjedu užeg člana domaćinstva,
5. da sufinansira sa 160,00 KM nabavku rojeva i pčelarske opreme,
6. da obavezno prisustvuje edukaciji iz oblasti pčelarstva u trajanju od tri dana.
7. da u posljednjih 5 godina nije ostvarivao-la pravo na donaciju, dodjelu ili sufinansiranje nabavke rojeva i pčelarske opreme od Općine, ministarstava, humanitarnih i drugih organizacija,
8. da će dobijene rojeve i pčelarsku opremu zadržati u vlasništvu najmanje 3 godine od potpisivanja Ugovora.

Udruženje pčelara Košnica je nosioc aktivnosti vezanih za realizaciju Projekta.

III KRITERIJI ZA DODJELU ROJEVA I PČELARSKE OPREME

Kriteriji za bodovanje podnosioca zahtjeva:

a) pogodnost poljoprivrednog zemljišta/parcele za smještaj stacionarnog pčelinjaka (utvrđuje Komisija za dodjelu rojeva i pčelarske opreme na licu mjesta), 1-3 boda,

- udaljenost pčelinjaka 20 metara od kategorisanog puta ili granice susjedne parcele, odnosno najmanje 10 metara ako između pčelinjaka i kategorisanog puta, postoji prepreka visine 2,20 metra (zid, objekat, gusto zasađena stabla, živa ograda, ograda bez otvora i drugo), - 1 bod
- udaljenost pčelinjaka više od 50 metara od kategorisanog puta ili granice susjedne parcele, - 2 boda
- udaljenost pčelinjaka više od 50 metara od kategorisanog puta ili granice susjedne parcele, 100 metara od proizvođačkih i prerađivačkih pogona i javnih objekata (škole, vrtići, igrališta...), i više od 200 metara od prvog susjednog pčelinjaka - 3 boda

Kandidati kod kojih se na terenu utvrdi da parcele ne ispunjavaju gore navedene pogodnosti neće se bodovati, te se njihove prijave neće uzeti u razmatranje.

b) dodatni bodovi po osnovu pripadnosti jednoj od dole navedenih kategorija:

- podnosilac zahtjeva nezaposlena osoba i koja se nalazi na evidenciji biroa za zapošljavanje – 2 boda

- za svakog punoljetnog nezaposlenog člana porodice, koji se nalazi na evidenciji nezaposlenih osoba Biroa za zapošljavanje – 1 bod,
- za svakog izdržavanog člana porodice (nezaposlene osobe koje se ne nalaze na evidenciji nezaposlenih osoba na Birou za zapošljavanje - domaćice, djeca, učenici i sl.) – 1 bod,
- podnosilac zahtjeva mlada osoba životne dobi do 35 godina – 5 bodova,
- ako je podnosilac zahtjeva samohrani roditelj – 2 boda,
- ako je podnosilac zahtjeva ili uži član domaćinstva (dijete ili bračni drug) osoba sa invaliditetom - 2 boda.
- Ukupan prihod domaćinstva:
 - bez primanja - 7 bodova,
 - ako su primanja po članu domaćinstva do 100,00 KM - 4 boda,
 - ako su primanja po članu domaćinstva do 200,00 KM - 3 boda,
 - ako su primanja po članu domaćinstva do 250,00 KM - 2 boda,
 - ako su primanja po članu domaćinstva do 300,00 KM - 1 bod,
- socijalni aspekt (stanje na terenu, imovno stanje, opći dojam i sl.) od 0 - 3 boda

Kada kandidati pri bodovanju imaju isti broj bodova, prednost će imati kandidati koji imaju status mlade osobe, te višečlane porodice i veći broj nezaposlenih u porodici.

IV POTREBNA DOKUMENTACIJA

Potrebna dokumentacija za dodjelu rojeva i pčelarske opreme:

1. zahtjev za prijavu na Javni poziv,
2. CIPS prijavnica podnosioca zahtjeva (original ili ovjerena kopija),
3. ovjerena kućna lista,
4. dokaz o nezaposlenosti kandidata izdat od Biroa za zapošljavanje,
5. dokaz o nezaposlenosti svih punoljetnih članova porodice izdat od Biroa za zapošljavanje ili neki drugi dokaz o nezaposlenosti (kopirana zdravstvena knjižica),
6. potvrda o visini primanja zaposlenih članova domaćinstva kao i potvrda (ček) o primanju penzionera ukoliko je isti član domaćinstva,
7. potvrda o upisu u RPG i RK iz 2021.godine, izdata od nadležne Službe Općine Vogošća ili ovjerena izjava da će se upisati u Registar poljoprivrednih gazdinstava i klijenata prije dodjele rojeva i pčelarske opreme,
8. vlasništvo ili posjed nad parcelom na koju se namjerava postaviti stacionarni pčelinjak (kopija ZK izvodka ili Posjedovnog lista)

9. dokaz da je samohrani roditelj (smrtni list ili dokaz o razvodu braka ili drugi dokument kojim aplikant može dokazati da je samohrani roditelj),
10. dokaz da je podnositelj zahtjeva ili uži član porodice (dijete ili bračni drug) osoba sa invaliditetom (potvrda ili drugi dokument kojim aplikant dokazuje da je osoba sa invaliditetom),
11. ovjerena izjava da u trenutku predaje zahtjeva za učešće u ovom pozivu nema više od 5 košnica u svom posjedu ili posjedu užeg člana domaćinstva,
12. ovjerena izjava da će korisnik podsticaja dobijene rojeve i pčelarsku opremu zadržati u vlasništvu najmanje 3 godine od potpisivanja Ugovora,
13. ovjerena izjava da podnositelj zahtjeva u posljednjih 5 godina nije ostvario pravo na donaciju, dodjelu ili sufinansiranje nabavke rojeva i pčelarske opreme od Općine, ministarstava, humanitarnih i drugih organizacija,
14. ovjerena izjava da će sufinansirati nabavku rojeva i pčelarske opreme sa 160,00 KM , te da će obavezno prisustvovati edukaciji iz oblasti pčelarstva u trajanju od tri dana.

Potrebna izjava za uslove pod rednim brojevima 11.,12.,13. i 14. se podnosi na zajedničkom obrascu „IZJAVA“, koja se može preuzeti na info-pultu Općine Vogošća (šalter sala).

V PROCEDURA ODABIRA KORISNIKA

Upravni odbor Udruženja imenuje Komisiju za dodjelu rojeva i pčelarske opreme.

Zadatak Komisije za dodjelu rojeva i pčelarske opreme:

- pregled prispjelih prijava, evidentiranje kandidata koji ispunjavaju uslove iz Javnog poziva, obavljanje uviđaja na licu mjesta, sačinjavanje liste krajnjih korisnika na osnovu utvrđenih kriterija za bodovanje, te dostavljanje iste Upravnom odboru.

Saglasnost na predloženu rang listu kandidata daje Upravni odbor Udruženja na prijedlog Komisije za dodjelu rojeva.

Rang lista odabranih kandidata će biti objavljena na oglasnoj ploči Općine Vogošća.

NAPOMENA:

Kandidati koji ostvare pravo na dodjelu pčelinjih društava i opreme obavezni su prisustvovati edukaciji (teoretskoj i praktičnoj obuci).

Obrasci zahtjeva za prijavu se mogu preuzeti sa internet stranice Udruženja pčelara Košnica ili na portirnici Općine Vogošća. Popunjenu prijavu na Javni poziv zajedno sa potrebnom dokumentacijom poslati putem pošte u zatvorenoj koverti na adresu Udruženja pčelara košnica Omladinska br. 46, Vogošća sa naznakom „Javni poziv za dodjelu rojeva i pčelarske opreme“, „Ne otvaraj“, uz ime, prezime i adresu podnosioca zahtjeva.

Sve dodatne informacije o Projektu mogu se dobiti na mail:upkosnica@gmail.com ili na br. telefona 061/357-561 svakim radnim danom od 08:00 -16:00 sati.

Javni poziv ostaje otvoren 10 dana od dana objavljivanja poziva u sredstvima javnog informisanja općine Vogošća (RTV Vogošća), web stranci Općine Vogošća i Udruženja pčelara Košnica Vogošća.

Nepotpune i neblagovremene prijave se neće uzeti u razmatranje.

PREDSJEDNIK UDRUŽENJA

